

# Լեռնային Ղարաբաղի Հանրապետության Քաղաքացիական հասարակության մասնակցությունը տարածաշրջանային Նախաձեռնություններում

## Համառոտագիր



Մարդկային  
գարգացման  
միջազգային  
կենտրոն

### Եվրախնտեգրման իմանալի ճանապարհները. չինտեգրացիայի կղզյակը

Հարավային Կովկասի տարածաշրջանում եվրախնտեգրման գործընթացի ներկա ուղենիշը սահմանում են ԵՅԶ-ն ու Արևելյան գործընկերության Նախաձեռնությունը: Մինչ Ադրբեջանի ու Հայաստանի քաղաքացիական հասարակության կառույցները լիարժեքորեն ընդգրկված են եվրախնտեգրման գործընթացում բոլոր ձևաչափերում, ԼՂՀ-ն դուրս է մնացել եվրախնտեգրման գրեթե բոլոր ձևաչափերից, ինչը լրջորեն խոչընդոտում է հակամարտության կարգավորմանը: ԼՂՀ-ն դուրս է մնացել Նաև բանակցային գործընթացից՝ պաշտոնական դիվանագիտության ձևաչափում, իսկ ժողովրդական դիվանագիտության ձևաչափում ցավով ականատես ենք լինում ԼՂ քաղաքացիական հասարակության աստիճանական դուրս մղմանը տարածաշրջանային համագործակցության Նախաձեռնություններից:

### Ադրբեջանական իշխանության պարտադրանքը. երկկողմ կամ ոչինչ

Ադրբեջանական իշխանությունները բոլորում են Հայաստանի մասնակցությամբ իրականացվող գրեթե բոլոր միջազգային ծրագրերը: Ավելին, խախտելով ժողովրդավարության հիմնարար սկզբունքները և կոպտորեն միջամտելով ժողովրդական դիվանագիտության գործընթացներին, ադրբեջանական իշխանությունները տարածաշրջանային համագործակցության սեփական ձևաչափն են պարտադրում թե՛ սեփական երկրի քաղաքացիական հասարակության, թե՛ դոնոր կառույցներին: Հարևան երկրի իշխանությունների ճնշումները, մասնավորապես, ուղղված են քաղաքացիական հասարակության Նախաձեռնությունները «Հայաստան-Ադրբեջան» երկկողմ ձևաչափում պահելուն՝ բացառելով Լեռնային Ղարաբաղի ժողովրդի մասնակցությունը: Այն դեպքերում, երբ այս կամ այն Նախաձեռնությանը ԼՂՀ քաղաքացիական հասարակության մասնակցությունն անխուսափելի է, ադրբեջանական իշխանությունները դոնորների «վզին են» փաթաթում քառակողմ ձևաչափը՝ ԼՂ այսպես կոչված «ադրբեջանական համայնքի» մասնակցությամբ: Նման իրավիճակի ախտանիշերն արդեն իսկ ակնհայտ են:

### Ուրիշի խաղն ու մեր խաղացողները

Թեև հայաստանյան քաղաքացիական հասարակությունը գնալով ավելի ու ավելի է գիտակցում համագործակցության պարտադրված նման ձևաչափի վտանգավորությունը, շատ կառույցներ անտեղյակության կամ անտարբերության պատճառով շարունակում են իներցիայով մասնակցել երկկողմ կամ քառակողմ ձևաչափերով համագործակցության ծրագրերին: Մինչդեռ ԼՂՀ-ում քաղաքացիական հասարակության կայացման արդյունավետ ռեսուրսը միջազգային համագործակցությունն է և մասնակցությունը տարածաշրջանային Նախաձեռնություններին: Անհրաժեշտ է ԼՂՀ քաղաքացիական հասարակությունը որպես ինքնուրույն կողմ ներգրավել եվրախնտեգրման գործընթացների բոլոր ձևաչափերում՝ թե՛ երկկողմ, թե՛ Արևելյան գործընկերության Նախաձեռնություններում, ընդ որում, բացառելով այսպես կոչված «ԼՂՀ ադրբեջանական համայնքի» արհեստական ներգրավումն ու քաղաքացիական հասարակության մասնակցությամբ ծրագրերի անհարկի քաղաքականացումն ու դրանց շահարկումը, որովհետև նման Նախաձեռնությունների հիմքում ընկած ռազմավարական մոտեցումը

Երևան 0001  
Սայաթ Նովա 19  
Հեռ.՝ +374 10 582638  
Ֆաքս՝ +374 10 527082

mail@ichd.org  
www.ichd.org

վտանգում է ՀՀ և ԼՂՀ ազգային անվտանգությունը, կասկածի տակ դնելով հակամարտության կարգավորման գործընթացի մի շարք հիմնարար սկզբունքներ:

## Միջամտության բացառումը

Անկախ նրանից թե ինչպես է Ադրբեջանի իշխանությունը միջամտում քաղաքացիական հասարակության գործունեությանը, Հայաստանում և ԿՂՀ-ում նման միջամտությունն ի վերջո կխաթարեր ժողովրդավարական կառավարումն ու քաղաքացիական հասարակության կառույցների զարգացումը, կհանգեցներ այդ կառույցների հանդեպ պետության կողմից հսկողություն սահմանելու անթույլատրելի երևույթի: Ուստի ո՛չ հայաստանյան, ո՛չ ԼՂՀ իշխանությունները պետք է շարունակեն չմիջամտել քաղաքացիական հասարակության մասնակցությամբ և միջազգային զարգացման գործընկերների աջակցությամբ ընթացող համագործակցության նախաձեռնություններին: Սակայն այս դեպքում ստացվում է, որ Ադրբեջանի իշխանությունն անուղղակիորեն միջամտում է նաև Հայաստանի և ԼՂՀ քաղաքացիական հասարակության կյանքին, երբ քաղաքացիական հասարակության բոլոր կառույցները, դժվարանում են հրաժարվել համագործակցության անցանկալի՝ երկկողմ ձևաչափերի փորձությունից: Հատկապես, երբ նման նախաձեռնությունները քաղաքացիական հասարակության կառույցների համար կենսականորեն անհրաժեշտ ռեսուրսներ են ենթադրում: Մյուս կողմից միջամտության բացառման սկզբունքը չի ենթադրում համագործակցության բացառում: Ի վերջո, այն վերլուծական կենտրոնները, որոնց հետ չի համագործակցում սեփական կառավարությունը, հարկադրված են համագործակցել բացառապես այլ երկրների կառավարությունների հետ: Իսկ վերջիններս ունեն սեփական օրակարգն ու սահմանափակումները՝ երբեմն կանխորոշված Ադրբեջանի իշխանությունների կողմից:

## Փոխլրացման ակտիվ քաղաքականություն

Ադրբեջանի ոչ ժողովրդավարական միջամտությանը հակազդելու նպատակով քաղաքացիական հասարակության զարգացման, եվրախնտեզրման, հակամարտությունների կարգավորման և տարածաշրջանային ինտեգրման ոլորտներում պետական քաղաքականությունը պետք է նախատեսի մի կարևոր բաղադրիչ՝ միջազգային զարգացման գործընկերների տարածաշրջանային յուրաքանչյուր երկկողմ ձևաչափով նախաձեռնությանը ՀՀ կառավարությունը պիտի արձագանքի, անպայմանորեն առաջարկելով ներգրավել ԼՂՀ քաղաքացիական հասարակության կառույցներին: Ընդ որում, ԼՂՀ քաղաքացիական հասարակության կառույցների մասնակցության ֆինանսավորման համար անհրաժեշտ միջոցները ՀՀ իշխանությունները պետք է տրամադրեն պետական բյուջեի միջոցների հաշվին՝ առկա մեխանիզմների շրջանակներում, քանի որ հենց պետական բյուջեն է պետական քաղաքականության իրականացման առաջնային և հուսալի միջոցը: Փոխլրացման նման առաջարկից որևէ միջազգային գործընկեր չի կարող հրաժարվել: Միաժամանակ, հայաստանյան և ԼՂՀ քաղաքացիական հասարակության կառույցները թերևս պետք է հրաժարվեն քառակողմ նախաձեռնություններին մասնակցությունից: Պետական կառույցները պետք է ընդլայնեն ու ակտիվացնեն նաև համագործակցությունը հայաստանյան վերլուծական կենտրոնների հետ, որպեսզի այս ոլորտում կարողանան կիրառել ավելի չափարկված ու նվազ պարտադրող քաղաքականություն:

*Համառոտագիրը մշակվել է 2010թ-ի ապրիլի 23-ին կայացած՝ «Հակամարտությունների ազդեցությունը տարածաշրջանում Եվրոպական ինտեգրացիայի վրա» վերնագրով քննարկման մասնակիցների կողմից արտահայտված կարծիքների հիման վրա:*

*Կլոր սեղանին մասնակցում էին անկախ վերլուծաբաններ, պետական պաշտոնյաներ, միջազգային կառույցների ներկայացուցիչներ:*

*Քննարկումը կազմակերպվել էր «Սևծովյան տարածաշրջանի խաղաղաշինական ցանցի» աջակցությամբ:*

